

Giulan dl laûr fat y n Bun Ann 2016!

Sciöche president dl Consëi de Cöra diji indô n gran giulan a dôtâ la comunité por la colauraziun ativa ala vita dla cöra. Danfora a nosc ploan y degan siur laco por söa presënza danter nos te tan de ocajiuns y vigni ota ch'al va debojëgn. Y spo n giulan particular a nosc curat siur Christian che con sü agn fej deplü de ci che al messess. Al testimoniëia dé por dé che la vocaziun va viüda deplëgn cina ch'an é bogn. N gran giulan ince ala cöga Alma ...che é deplü che na cöga. Giulan ti diji a düc i proi che é gnüs te nosta ploania a conzelebré y a daidé fora, dantadöt a siur Gustl.

La ploania sciöche mosaich (cfr. les aodanzas da l'ann passé) é chersciüda. Le toch plü da odëi cun l'ödl é la cortina ingrandida. N gran giulan ala dita Bioc cun düc sü lauranc y ala direturia di laurs Arch. Claudia. Zënza la presënza de tröpes porsones (i nominëii Angel por le consëi de cöra) ne fossera nia jüda da fá n laur tan sauber y garaté cina sëgn! Giulan por la paziënza che düc á albü cun le cantier davert y cun val' impedimënt al trafich. Le proscim ann gnará i laurs stlúc jö y vigni pert dla cortina sorandada a söa funziun. N gran giulan al comun y ala fraziun!


Beles y sintides é stades tröpes festes de dljia y te paisc cun la partezipaziun dles uniuns y de vigni porsona che á tut pert. Zënza orghelist, dirighënt, cor de dljia, müjiga, portaconfaruns, stödafüch, ministranc, leturs y ministri dla comeniun, cor di mituns, mone, ëres che lava, scoa y cuj, chi che siëia l'erba y despara la nëi, portabandires y statues, che mët de bi ciüfs sön alté, n bun pinsier tla vidrina, chi che coordinëia y salta y tan d'ater... (vignun dess ponsé a ci che mancia tla lista) fossel ma sté le mez tan bel. I se diji a düc y a dotes n gran giulan por vigni sorvisc, vigni bria, aziun y idea, vigni bona parora y ince por vigni oraziun. N giulan particular a chi che á daidé fora te sacrestia tl tēmp che le mone á mancé y n prëitambel a Paul che á indô tut sö so laur sëgn dan Nadé y a düc chi che le dëida! Le zënter de döt é la presënza de Gejú inanter nos y por fortuna s'azetëiel ince cun dotes nostes imperfeziuns.

Dan da nos stal tēmps intensifs por la realisaziun de ideas y propostes fates dala sinoda y sciöche dit festejarunse i 500 agn dla consacraziun dla dljia da La Ila la domënia ai 25 de setēمبر adöm a nosc Vesco Ivo Muser. Ai 23 d'otober sarâl la lita dl Consëi de cöra a chëra ch'i inviëi bele sëgn da to pert atavamēnter y invié ia é ince le proiet da arjigné n orghe de dljia nü.

Por l'ann che scomëncia che é l'Ann sant dla misericordia periunse jö la benedisciun y la grazia de Dī ch'i sunse bogn da fá crësce la fede te nosta comunité, da vire ci ch'i cherdun, da chirí y scinché pordonn y da ester stromēnc de pesc te na sozieté che se müda dassënn.

I periun che Santa Maria – patrona de nosta dljia – tēgnes destenü fora so mantel sora de nos düc.

Lois Kastlunger



Plata dla Ploania
La Ila
Santa Maria Assunta

Ploan: siur degan laco Willeit Calonia La Ila: 0471/847058
E-mail: parrocchialavilla@rolmail.net Radio de Ploania: 91,40 Mhz

UNITÉ PASTORALA



www.unitepastorala.org

Ann C

03.01 - 10.01.2016

II Domënia do Nadé n. 6



Dal vangelo secondo Giovanni

Gv 1,1-18 - versione breve

Venne un uomo mandato da Dio: il suo nome era Giovanni. Egli venne come testimone per dare testimonianza alla luce, perché tutti credessero per mezzo di lui. Non era lui la luce, ma doveva dare testimonianza alla luce. Giovanni gli dà testimonianza e proclama: «Era di lui che io dissi: Colui che viene dopo di me è avanti a me, perché era prima di me». Dalla sua pienezza noi tutti abbiamo ricevuto: grazia su grazia. Perché la Legge fu data per mezzo di Mosè, la grazia e la verità vennero per mezzo di Gesù Cristo. Dio, nessuno lo ha mai visto: il Figlio unigenito, che è Dio ed è nel seno del Padre, è lui che lo ha rivelato.

Impressum: Ploania da La Ila; redaziun René Pescoll

Comunicaziuns cina la jöbia dales 12 a parrocchialavilla@rolmail.net

Download plata: www.valbadiaonline.it/comunite/ploanies.html

FUNZIUNS SACRES

03.01.16	SECUNDA DOMÈNIA DO NADÉ
9.00	fam. Paul y Hanny Sorarú fam. Gotardo y Gusta Declara
18.00	vis y def. de Carlo y Veronica Pitscheider vis y def. de Iuditha Rina
04.01.16 LÖNESC	S.^{ta} Angela de Foligno
18.00	def. Maria Pescolderungg, aniv. def. Cirillo Crazzolara, aniv. def. ^a Giamini Maria def. Angelo y Maria Granruaz, aniv.
05.01.16 MERTESC	S. Tomesc Becket
18.00	vis y def. de Veneranda Pizzinini vis y def. de Paula Mersa fam. Sepl y Clara Dapunt
19.30	Adoraziun dan le Santiscim
06.01.16 MERCUI	SANTA GUANIA
9.00	Santa Mëssa da festa ciantada dal cor de dljia vis y def. de Alma Costa fam. ^{es} Caterina y Ludwig Comploj
16.00	Corona en onur de Santa Maria
18.00	Santa mëssa cun i Trèi Resc fam. Albert y Zilli Pedevilla fam. Caterina Ferdigg
07.01.16 JÖBIA	S. Raimund de Penafort
18.00	def. ^a Helga Flöss Agreiter def. Hermann Costabiei def. ^a Resi Irsara
08.01.16. VÈNDRES	S. Teofil, martir
7.25	def. Siur Heinrich Videsott vis y def. de Paula Pizzinini def. ^c Mariangel, Maria, Davide Vittur
09.01.16 SABEDA	S. Adrian de Canterbury
18.00	fam. Ugo y Elisabeth Dorigo def. Fortunato Pescolderung vis y def. de Giuvani Granruaz, Meztru
10.01.16	BATO DE GEJÚ
9.00	vis y def. de Hilda Irsara
18.00	int. de Loise Rottonara, Altonara

VITA DLA CÛRA

Les mius aodanzes



Ai 3 de jená complësc **Rico Rottonara** la bela eté de **81 agn**, ai 4 de jená **Barbara Miribung Dapoz** la bela eté de **87 agn** y ai 9 de jená **Iaco Granruaz** la bela eté de **80 agn**. La Comunità da La Ila ti aoda a duc döt le bun, n bel dé de contentëza y la benedisciun de Signur Idí.

Iscriziuns ala scolina 2016/2017

Les iscriziuns ala scolina por l'ann che vëgn, vëgn tignides en lönesc, ai 18 de jená 2016 dales 15.00 ales 16.00 y en mertesc, ai 19 de jená dales 13.45 ales 14.45 te scolina. Al pó gní scric ite duc i mituns y dotes les mitans che complësc i 3 agn anter *forá dl* 2017. Por l'iscriziun adoron le codesc fiscal dl möt/dla möta!

AZIUN DI TRÈI RESC

Vigni ann ròdel te Südtirol 6.000 mituns y jogh sciöche Trèi Resc, a cöie adüm ofertes pur 100 proiec che dëida sura düt l' monn y porta la bona noela dl ann nü. I Trèi Resc ti va do a la stëra, che simbolisëia na vijun: n monn, olache an vir tl respet un cun l' ater y tla solidarieté. I Trèi Resc adora vigni ann n valgügn dis de festa, pur daidé persones che patësc. Nösc Trèi Resc mostra ci che é important: sura duc i confins etnics o religiusc dëidi combate les ingiustizies y la poverté – y laora pur n monn plü iüst.

I grups di "Trèi Resc" sarà sön strada le lönesc ai 4 y le mertesc ai 5 de jené dales 14.00 ales 21.00 ca. Sc'ai ne pordüj nia, jarai ince ciamò le mertesc ai 6 de jené do la Santa Mëssa da sëra. Al n'é nia sauri da di avisa da ci ora che i grups sarà tles vijinanzes, al é tröpes families y tröp trafich, mo i 3 grups che jará adüm cun sü acompagnadusc fora por les ciases fajarà le poscibl. I sperun che tröpes families i aspeti y ti deures sö les portes cun ligrëza.

I hotí dl paisc che dejdrëia la prejënza di Trèi Resc ince por i sciori, dess präibel se anuzé y ti dé val' informaziuns sura chësta aziun de solidarieté a sü gesé te ciasa. Por informaziuns telefonede präibel a Elisabeth Fistill 333-2272297 / 0471-847185.

I "Trèi Resc" ciantarà la Santa Mëssa en mercui, ai 6 de jené, dales 18.00!